

ქ. თბილისში, მთაწმინდის რაიონის ტერიტორიაზე ქვაფენილიანი საფარის შეკეთების
სამუშაოების სახელმწიფო შესყიდვის სატენდერო კომისიის
სხდომის ოქმი N1

ქ. თბილისი

03 აპრილი 2023 წელი

სხდომას ესწრებოდნენ:

დავით კირკიტაძე – სატენდერო კომისიის თავმჯდომარე, ქ. თბილისის მუნიციპალიტეტის მთაწმინდის რაიონის გამგებელი, პირველი რანგის პირველადი სტრუქტურული ერთეულის ხელმძღვანელი;

სატენდერო კომისიის წევრები:

ლევან ბაჩიაშვილი - პირველადი სტრუქტურული ერთეულის ხელმძღვანელის მოადგილე (გამგებლის მოადგილე) ინფრასტრუქტურისა და მშენებლობის მიმართულებით;

მიხეილ გოგოლიძე - პირველადი სტრუქტურული ერთეულის ხელმძღვანელის მოადგილე (გამგებლის მოადგილე) სოციალური პროგრამების მიმართულებით;

არჩილ ხარებავა - პირველადი სტრუქტურული ერთეულის ხელმძღვანელის მოადგილე (გამგებლის მოადგილე) განვითარების მიმართულებით;

თამარ შაველაშვილი - მეორადი სტრუქტურული ერთეულის ხელმძღვანელი (საორგანიზაციო განყოფილების უფროსი);

ლევან ვეკუა - მეორადი სტრუქტურული ერთეულის ხელმძღვანელი (ინფრასტრუქტურული პროექტების მართვისა და პროექტირების განყოფილების უფროსი);

დავით კასრაძე - მეორადი სტრუქტურული ერთეულის ხელმძღვანელი (საბიუჯეტო-საფინანსო და შესყიდვების განყოფილების უფროსი);

ირაკლი თუმანიშვილი - მეორადი სტრუქტურული ერთეულის ხელმძღვანელი (თანადაფინანსებული პროექტების განყოფილების უფროსი);

სატენდერო კომისიის აპარატის წევრი:

ხათუნა შიუკაშვილი – ქ. თბილისის მუნიციპალიტეტის მთაწმინდის რაიონის გამგების საბიუჯეტო-საფინანსო და შესყიდვების განყოფილების მესამე რანგის მეორე კატეგორიის უფროსი სპეციალისტი.

დღის წესრიგი:

„ქ. თბილისში, მთაწმინდის რაიონის ტერიტორიაზე ქვაფენილიანი საფარის შეკეთების სამუშაოების“ სახელმწიფო შესყიდვის სატენდერო განცხადებისა და სატენდერო დოკუმენტაციის პროექტების განხილვა და დამტკიცება.

მოისმინეს:

სატენდერო კომისიის აპარატის წევრმა, ხათუნა შიუკაშვილმა სატენდერო კომისიას გააცნო ინფრასტრუქტურული პროექტების მართვისა და პროექტირების განყოფილების უფროსის, ლევან ვეკუას 2023 წლის 03 აპრილის N38-0123093351 მოხსენებითი ბარათის საფუძველზე შედგენილი სატენდერო განცხადების და სატენდერო დოკუმენტაციის პროექტები - მთაწმინდის რაიონის ტერიტორიაზე ქვაფენილიანი საფარის შეკეთების სამუშაოების შესყიდვის თაობაზე. ინფრასტრუქტურული პროექტების მართვისა და პროექტირების განყოფილების მიერ შედგენილი შესასრულებელი სამუშაოების ხარჯთაღრიცხვის მიხედვით, 2 პოტენციურ მიმწოდებელთან კომუნიკაციის საშუალებით განხორციელებული ფასის კვლევის საფუძველზე წარმოდგენილი 66418.91 ლარი და 65995.57 ლარიდან

შესასრულებელი სამუშაოების სავარაუდო ღირებულებად განისაზღვრა 66400.00 ლარი, რომელიც არ აღემატება მოკვლევაში მონაწილეთაგან შემოთავაზებულ უმცირეს ფასს.

სატენდერო კომისიამ განიხილა:

სატენდერო კომისიის წევრებმა განიხილეს წარმოდგენილი დოკუმენტაცია, რის შედეგად განისაზღვრა:

სამუშაოს შესრულების ვადა - ეტაპობრივად, 2023 წლის 29 დეკემბრის ჩათვლით;

შესასრულებელი სამუშაოს საგარანტიო ვადა - 3 წელი;

გამოცდილებასთან დაკავშირებული მოთხოვნა - პრეტენდენტს 2020 წლის 1 იანვრიდან უნდა გააჩნდეს ჯამურად არანაკლებ 200000 (ორასი ათასი) ლარის ღირებულების ქვაფენილიანი საფარის ქუჩების მშენებლობის ან/და შეკეთების ან/და რეაბილიტაციის ან/და მოწყობის სამუშაოების შესრულების გამოცდილება.

პრეტენდენტის მიერ ერთიან ელექტრონულ სისტემაში სატენდერო წინადადებასთან ერთად ასატვირთი მონაცემები:

1. ხარჯთაღრიცხვა;
2. ინფორმაცია პრეტენდენტის გამოცდილების თაობაზე;

ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასის შესყიდვის ობიექტის სავარაუდო ღირებულებაზე 20%-ით ან მეტით შემცირების შემთხვევაში, ფასწარმოქმნის ადეკვატურობის დასასაბუთებლად წარმოდგენილი უნდა იქნას სსიპ „ლევან სამხარაულის სახ. ექსპერტიზის ეროვნული ბიუროს“ ან აკრედიტაციის ეროვნულ ცენტრში აკრედიტებული სხვა პირის მიერ გაცემული შესაბამისი დასკვნა - მოთხოვნიდან არაუმეტეს 10 სამუშაო დღის ვადაში.

მიზანშეწონილად მიიჩნიეს ტენდერი ჩატარდეს სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-3 მუხლის პირველი პუნქტის ბ) ქვეპუნქტის შესაბამისად ამ ბრძანების 39-ე მუხლით დადგენილი პირობით - ელექტრონული ვაჭრობის დაფარული მონაცემებით, დამატებითი რაუნდების გარეშე.


შესაბამისად, სატენდერო განცხადება ჩამოყალიბდა შემდეგი სახით:

- შესყიდვის ობიექტის სავარაუდო ღირებულება: 66400 ლარი;
- სატენდერო წინადადება წარმოდგენილი უნდა იყოს: დღგ-ს გათვალისწინებით;
- შესყიდვის ობიექტის კლასიფიკატორის (CPV) კოდი: 45233220 - გზების საფარის დაგებასთან დაკავშირებული სამუშაოები;
- დამატებითი ინფორმაცია: ა) ქ. თბილისში, მთაწმინდის რაიონის ტერიტორიაზე ქვაფენილიანი საფარის შეკეთების სამუშაოების სახელმწიფო შესყიდვა; ბ) შესასრულებელი სამუშაოს საგარანტიო ვადაა 3 წელი.
- შესყიდვის რაოდენობა ან მოცულობა: იხ. სატენდერო დოკუმენტაცია;
- მიწოდების ვადა: ეტაპობრივად, 2023 წლის 29 დეკემბრის ჩათვლით
- შეთავაზების ფასის კლების ბიჯი: 270 ლარი.

სატენდერო კომისიამ დაადგინა:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების მე-15 მუხლის შესაბამისად დამტკიცდეს ქ. თბილისში, მთაწმინდის რაიონის ტერიტორიაზე ქვაფენილიანი საფარის შეკეთების სამუშაოების სახელმწიფო შესყიდვის სატენდერო განცხადებისა და სატენდერო დოკუმენტაციის პროექტები წარმოდგენილი სახით;
2. მოქმედი კანონმდებლობის შესაბამისად, მოხდეს სატენდერო განცხადებისა და სატენდერო დოკუმენტაციის განთავსება სახელმწიფო შესყიდვების ერთიან ელექტრონულ სისტემაში.


სატენდერო კომისიის თავმჯდომარე

 დ. კორკიტაძე

სატენდერო კომისიის წევრები

 ლ. ბაჩიაშვილი

მ. გოგოლიძე




 ა. ხარებავა


ლ. ვეკუა




 ი. თუმანიშვილი

დ. კასრაძე



 თ. შაველაშვილი

სატენდერო კომისიის აპარატის წევრი

 ბ. შიკაშვილი